



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

Ana María Cacharrón Castelos, secretaria do Concello de Bergondo (A Coruña)

CERTIFICO: Que, pola alcaldía presidencia, por Resolución nº 954/2020, do 10-08-2020, adoptouse o acordo que a continuación se transcribe literalmente:

Alejandra Pérez Máquez, alcaldesa-presidenta do Concello de Bergondo (A Coruña)

INCOACIÓN DO EXPEDIENTE DE CONTRATACIÓN DAS OBRAS: PROXECTO MODIFICADO DE REFORMA DE INSTALACIÓN DE ALUMEADO PÚBLICO NO LUGAR DE RAXÁS, BERGONDO, INCLUÍDA NO PLAN PROVINCIAL DE COOPERACIÓN ÁS OBRAS E SERVIZOS DE COMPETENCIA MUNICIPAL POS+ 2020.

EXPEDIENTE: 2019/C003/000003

Visto o proxecto de obra de *Reforma de instalación do alumeado público no lugar de Raxás, Bergondo*, redactado por Alberto Castro Martínez, enxeñeiro industrial, colexiado núm. 1207, en febreiro de 2020, cun orzamento de 61.272,65 euros, IVE incluído, obra incluída no *Plan Provincial de Cooperación ás obras e Servizos de competencia municipal (Plan Único de Concellos) POS + 2020*.

Visto que o prazo para adxudicar esta obra é ata o 30 de novembro de 2020 e que o investimento deberá quedar totalmente executado antes do 30 de novembro de 2021, segundo o contido da Circular sobre a aprobación do Plan Provincial de Cooperación ás Obras e Servizos de Competencia Municipal (Plan único de concellos) 2020, notificada telematicamente ao Concello o 30 de xuño de 2020.

Vista a necesidade de acometer a citada obra, dado que o servizo de iluminación pública atópase entre os servizos obrigatorios que debe prestar o concello ao abeiro do artigos 26.1.a) da Lei 7/1985, de 2 de abril, *reguladora das bases do réxime local*, na redacción dada pola Lei 27/2013, de 27 de decembro, de *racionalización e sostenibilidade da Administración Local*, o que xustifica a necesidade deste contrato, consonte co establecido nolos artigos 116.4.e) da LCSP e segundo se indica no informe ao proxecto, apartado 11, sobre a xustificación da necesidade e idoneidade, asinado polo arquitecto municipal en agosto de 2019, que se ratifica no informe técnico do 09.03.2020.

Vista a Resolución da alcaldía-presidencia número 1488/2019, do 16 de decembro, na que se establece que o contrato deste investimento non se dividirá en lotes e adxudicarse como unha unidade contractual, de conformidade co informe emitido polo redactor do proxecto en decembro de 2019, e que se xustifica, consonte co esixido no artigo 99.3 da LCSP, en base aos motivos que se detallan a continuación:

- A división en lotes tería un importante custo económico para este concello pola necesidade de contratar os servizos de redacción dos documentos técnicos independentes para cada lote que servisen de base á licitación.
- Incrementaríase o número de expedientes de licitación que o concello tería que realizar, co conseguinte custo de tempo e de recursos persoais e materiais.
- A división en lotes suporía un retraso na adxudicación dos investimentos, e polo tanto na súa execución, pola necesidade de realizar, con carácter previo á licitación, tarefas técnicas e administrativas de división en lotes do proxecto e, como consecuencia, polo incremento do número de expedientes de contratación.

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe (artigo 42.b da Lei 40/2015, do 1 de outubro, do Réxime Xurídico do Sector Público).



CONCELLO DE BERGONDO

Estrada da Coruña, 12 - 15165 Bergondo (A Coruña) • Telf.: 981 79 12 52 • Fax: 981 79 42 33

- A dirección técnica das obras complicaríase debido ao incremento do número de contratistas adjudicatarios como consecuencia da división en lotes, o que además dificultaría a necesaria coordinación da execución do investimento.

Visto que o proxecto desta obra foi aprobado por Resolución da alcaldía-presidencia número 314/2020, do 12 de marzo.

Considerando que a competencia para contratar corresponde a esta alcaldía, conforme ao preceptuado na Disposición adicional segunda da Ley 9/2017, de 8 de novembro de contratos del sector público (en adiante LCSP), e a incoación do expediente de contratación non a teño delegada na xunta de goberno local (Resolución núm. 771/2019, do 21 de xuño); unha vez examinado o expediente, **RESOLVO:**

PRIMEIRO. Incoar o expediente de contratación da obra de: *Reforma de instalación do alumeado público no lugar de Raxás, Bergondo*, redactado por Alberto Castro Martínez, enxeñeiro industrial, colexiado núm. 1207, en febreiro de 2020, cun orzamento de 61.272,65 euros, IVE incluído, incluída no *Plan Provincial de Cooperación ás obras e servizos de competencia municipal (Plan Único de Concellos) POS+ 2020*, expte. 2019/C003/00004, proponendo o procedemento aberto simplificado, tramitación abreviada ao amparo do artigo 159.6 da LCSP e tramitación ordinaria.

SEGUNDO.- Dado que nesta obra estase a contratar por delegación da Deputación Provincial da Coruña, declarar de aplicación á presente contratación o *Prego-Tipo de Cláusulas Administrativas Particulares que haberan de rexer para a contratación mediante procedemento aberto simplifícadísimo das obras comprendidas no plans provinciais e outras obras provinciais*, publicado no BOP nº 101, do 30.05.2018.

TERCEIRO.- Incorpórese ao expediente acta de replanteo previo da obra de referencia; informe de intervención de existencia de crédito e fiscalización previa; informe da secretaría do concello. Evacuados que sexan estes trámites, dease conta á Xunta de Goberno local, para a súa aprobación se procede.

A presente resolución publicarase no perfil do contratante do Concello de Bergondo, consonte co esixido no artigo 63.3 da LCSP.

En Bergondo, luns 10 de agosto de 2020

A alcaldesa

Alejandra Pérez Máquez

Dou fe; a secretaria

Ana María Cacharrón Castelos”

E para que conste, para os efectos que corresponden, asino a presente certificación, por orde e co visto e prace da alcaldesa, en Bergondo, o luns 10 de agosto de 2020

Vº. e Pr.

A alcaldesa

Alejandra Pérez Máquez

A secretaria xeral

Ana María Cacharrón Castelos

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe (artigo 42.b da Lei 40/2015, do 1 de outubro, do Réxime Xurídico do Sector Público).